



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 17. Martyres in Syria.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. tum acus majusculas super ignem tenens, donec canderent, iis filii manus, pedes, dorsumque fodicat, tandem suo cubiculo includit, atque janua exterius repagulis munita, Daphnem revertitur. Juvenis, insolito ardore stimulatus, omnia Patris Idola comminuit, mox ejus furorem reformidans, Jesum Christum orare cœpit, ut se liberaret, *pro te enim*, agebat: *passus sum, & hæc omnia molior!* ipso sic orante, rumpuntur vectes, fores aperiuntur, & ipse secundo ad Diaconissam, Magistram suam, properat; illa adolescentem, vestibus fœmineis indutum, lecticæ suæ imponens, ad S. Meletium reduxit, qui eum in manus S. Cyrilli Jerosolymitani tradidit, quocum noctu iter ingressus, in Palæstinam delatus est. Theodoretus, qui hanc narrat Historiam, eam ex ore illius, cui hæc acciderant, audiverat, qui ætate senili sibi casus suæ juventutis referebat, addens, quod, sublato Juliano, etiam Patrem suum, illum Sacrificulum, ad fidem Christianam convertisset.

v. *Vales. hic.*

§. XVII.

Martyres in Syria.

Misopog. p. 95. Julianum Imperatorem, urbem Antiochenam, quod tota esset Christo dedicata, averfantem, aliæ civitates vicinæ solatæ sunt, nam, acceptis de restituendo Deorum

Deorum cultu mandatis, Tempa restau-
rarunt, everterunt sepulchra Martyrum,
& vi aperta Christianos persecuti sunt.

Marcus Episcopus Arethuse in Syria, re-
gnante Constantio, Templum, artis in-
paucis raræ, quod Pagani præcipuum ha-
bebant, prostraverat, Ecclesiam extru-
xerat, & magnum Infidelium numerum

Christo pepererat. Imperante Juliano,
cum Infideles iram in se, a multo tem-
pore collectam, effusuros prævideret, pri-
mo quidem juxta Evangelicum præce-

ptum fugam arripere statuerat, sed com-
perto, quod loco sui quidam de grege suo,
sibi commisso, fuissent comprehensi, ul-
tro rediit, & seipsum persecutoribus tra-
didit. Tum manus in eum injiciunt, to-
tus populus circumfunditur, per urbis
regiones raptant, capillis, aut quacunque
possunt corporis parteprehendunt, nulla
tantæ pietatis, virtutis, & Doctrinæ re-
verentia; nulla senectutis misericordia;
vestibus spoliatum toto corpore flagel-
lant, tum in foetidissimas cloacas projici-
unt; inde extractum, puerorum mul-
titudini tradunt, sua sponte petulantes
excitant, ut virum suis, quibus ad exa-
randas litteras utebantur, stilis acriter
pungerent; crura ejus ita arcte constrin-
xerunt, ut funiculi, dissecta carne, usque
ad ossa penetrarent; aures viro subtili
filo, forti tamen absciderunt. Post hæc

D 4 omnia

Sæculum IV.
A. C. 362.

Theod. III.
hist. c. 7.
Greg. Naz.
or. 3. p. 88.
Soz. V. c. 10.

Matt. 10. 23.

Sæculum IV.
A. C. 362. omnia melle illinitum, & canistro in aere
 suspenso impositum, summa æstate circa
 meridiem, cum ardentissimi essent solis
 radii, apibus, & vespis in prædam expo-
 nunt; dum autem eum ita cruciabant,
 cogere volebant, ut Templum a se destru-
 ctum restituere promitteret, aut saltem
 sumptus necessarios præberet, sed ipse ul-
 tima potius pati, quam aliquid tale pol-
 liceri statuerat. Tum quia credebant,
 quod paupertate prohiberetur tantam pe-
 cuniæ vim promittere, mediam partem
 remiserunt, si alteram vellet solvere, ipse
 non modo nihil promittebat, sed etiam,
 ut erat suspensus, & vulneribus plenus
 persecutores suos irridebat, dicens, se esse
 elevatum, & Cœlestem, dum ipsi abjecti
 in terra reperent. Tandem eo se con-
 tentos fore dixerunt, si modicam pecu-
 niæ partem ad reparandum Idolorum
 Templum conferret; ipse respondit, non
 minus impietatis se reum fore, si obolum
 unum, quam si totum daret. Igitur pa-
 tientia ejus devicti Episcopum dimise-
 runt, factumque, ut sequenti tempore ex
 ejusdem ore veritatem Christianæ Reli-
 gionis edocerentur. Viri constantia cap-
 tus Præfectus Prætorii, qui erat Genti-
 lis, ad Julianum dixit: *Vab dedecus! nos
 ita Christianis esse inferiores! & a Senè
 vinci, quem vel a quoquam nostrum victum
 fuisse nemo gloriæ duceret.*

Tem-

Templa Idolorum solo æquata ubique
 ansam dabant persequendi Christianos,
 nam Julianus jufferat, ut ubique eorum
 pecunia repararentur; at Marcum Are-
 thufanum inter omnes alios a tali vexatio-
 ne liberum præstari oportuisset, quod u-
 nus ex illis Episcopis esset, qui Juliano
 sub initia Regni Constantii saluti fuerant,
 dum eum, tota ipsius familia vita peri-
 clitante, occultatum servarunt. Coete-
 rum Marcus Arethufanus semper inter A-
 rianos, aut saltem Semi-Arianos insigne
 Nomen fuerat, at ex laudibus, quibus
 eum S. Gregorius Nazianzenus ornat, cui
 vita ejus haud dubie fuit perspectissima,
 credibile fit, eum tunc temporis in Ec-
 clesiæ Communione vixisse.

Heliopoli in Phœnicia prope montem
 Libanum Diaconus degebat, nomine Cy-
 rillus, qui tempore Constantini aliqua
 Idola comminuerat; ob id factum Gen-
 tiles plusquam caninam rabiem animo
 condiderant usque ad Juliani Imperium,
 quam ut satiarent, Diaconi interempti
 ventrem aperuerunt, & inde extractum
 jecur devorarunt. Omnes sævitix bar-
 baræ complices Divina ultio corripuit;
 subito ex ore dentes exciderunt, compu-
 truit lingua, & oculorum lumen ademp-
 tum est. In eadem urbe Heliopoli quæ-
 dam Virgines Deo dicatæ, quæ ab homi-
 num oculis absconditæ vivebant, in fo-
 rum

Sæculum IV.
 A. C. 362.

Greg. Naz.
 or. 3. p. 90.
 Sup. l. XII.
 §. 1.

Theod. III.
 c. 7.

Sozom. V.
 c. 10.

D 5 rum

Sæculum IV. rum productæ, vestibus direptis, nudæ
 A. C. 362. insolentis plebeculæ oculis expositæ;
 deinde earum caput radunt, uterum per-
 fodiunt, & injecto hordeo implent, ita
 Virginum corpora in porcorum pabulum
 posita, ut unacum hordeaceis granis ea-
 rum viscera devorarent; quod vero tan-
 tum in Virgines Gentilium furorem ac-
 cenderit, illud fuisse creditur, quod Con-
 L. XI. §. 33. stantinus illius urbis incolis filias suas,
 sicut antea consueverant, prostituere pro-
 hibuisset, cum, Veneris Templo dejecto,
 primam Ecclesiam ædificari iussit.

§. XVIII.

Martyres Gazenses.

Theod. III.
 c. 7. Soz.
 V. c. 9.

Gazæ, & Ascalone in Palæstina simili sæ-
 vitia quorundam Presbyterorum,
 & Virginum corpora dissecta, & immixtis
 hordei granis porcis devoranda projece-
 runt. Gazæ tres fratres Eusebius, Ne-
 stabius, & Zeno insolitæ crudelitatis ex-
 emplo Martyrii coronam assecuti sunt.
 In sua domo, ubi se occuluerant, compre-
 hensi, in carcerem mittuntur, & cædun-
 tur. Populus deinde in Circo congrega-
 tus clamare, homines esse sacrilegos, qui
 ultimorum temporum licentia abusi, san-
 ctæ Religionis ruinam essent moliti! his
 clamoribus accensi animi, conventus in
 seditionem vertitur, ad carcerem decur-
 runt furentes, extrahuntur fratres, & per
 civita-